



重鴻紀踪附
浮槎存稿

文庫
全一
二八

柳田文庫
文庫11
A1219



文庫11
A 1219

雪鴻紀踪

浮槎存稿附



漢文部
第一
全一冊
二八號

人生從少至老境遇萬變隨過隨滅所餘者惟眇然
癯軀齒髮稀疎亦但覺歲月之久而已引鏡自照今
我既不識故我況事物之遷移傳舍閱人覆昨日所
為茫如摸夢即如一時共休戚者終至不復能舉其
姓名豈不哀乎是此稿之所以不忍于棄不特當日
旅境前後身跡觸緒可案矣因憶夜歸自海上天色
黝碧缺月如冰海氣森然仰見斗殆近於頭上也
安政三年丙辰仲秋

江村居士自題

雪鴻紀原
聯照書院藏

柳田泉文庫

雪鴻紀原上

東都 田口文之 文藏

嘉永壬子九月二日北遊過草加有作

慈姑葉爛溝流清踈楊高低夾路生黃雲滿目農事
闌鷓雀飛翔弄秋暗天邊積翠迤邐起一瞥芙蓉眼
先明指點試求吾行處波山如揖日岳迎凝眸不覺
佇立久馬夫掠人放歌行

古河訪人不遇

海內知交豈又多出門大笑發高歌風吹敗葉塵如
雨羸馬敝裘過古河

東坡詩羸馬敝裘古河濱

雪鴻紀原上

聯照書院藏



日光道中

驛盡行松松盡村三十六里平如盆行人祇覺貪程
易不省棘荆曾有根

山村

山田收穫少村戶早畢功場圃已淨盡豆莢鳴悲風
展箔就晴曦新綿雪蒙茸借問襦袴計可能及兒童
晉韓康伯家曾止得襦母謂之日且着襦尋為女作袴

日光宿大樂院

清泉聲裏吟初歇念定家鄉無夢回枕上所經皆客
境一頭纔轉一頭來

東照宮恭紀十四韻

治至無前古德高 廟貌輕風波蚤慙險塵土僅支
城貌虎千行淚蛟龍一旦名臨難令說法見義遂忘
生世業經三折天心終始貞屈伸克隨物變化不期
程儉積絲毫惜量容江海驚狂鯢徒自斃奔鹿又誰
爭帶礪分藩鎮衣冠護 帝京日光表大嶽 神
蹕駐英精率土皆方貢百年猶造營珠樓連鳳闕金
塔射雲叢狎獸戲花檻飛仙捧翠笙彫鏤縱窮巧能
副下民誠

湖上

立筇一息一回頭霜染峯巒雲錦稠地極人間清淑
境時逢湖上麗明秋四山空翠潛通氣一道奔雷忽

放流安得飄然換凡骨吹簫乘月夜浮舟

華嚴瀑

峭壁衝天鳥道絕紫葦紅蘿秋點綴飛泉奔盪擎山
來巨靈手緩無由掣下歸無極無底淵雷震怒激可
想不可聞但見萬朶白雲相迫逐紛紜轉倒合爲團
懸崖苔滑下不得凝立嘆息晚半天雄猛中含溫雅
狀真氣融人益可敬平生謾記祖師言不識華嚴有
實相

發日光踰高原嶺

松杉朝光滿金碧耀雲端拜辭朱橋外宮樹遠團團
路折峯勢分川開地形寬只貪所經新不覺跋涉艱

村戶時八九蕭條住林巒禪田鑿磽确尚爲晨昏歡
縮水何清駛凜冽指可鑽沂源谿愈險一曲乃一湍
行人仰阪路疲馬勇歸鞍樹樹皆霜色深淺呈紫丹
峯巒已回互夕陽暝還殘蟠回出高頂千山掌上看
狂呼此愉快何必藉驂鸞唯恐損清福一時窮奇觀
日入嶺頭宿客枕隨處安

重陽會津道中次杜樊川韻

亂葉風前繞馬飛崎嶇嶺路入雲微浮生不定誰非
客勝境暫逢還是歸野店新醪共佳節石田瘦菊媚
斜暉一醺易結長途夢霜露從他滿我衣

甜酒

甜酒如油困一杯橫川驛以此賣酒四分一升號為一杯蓋與俗為然拜求店
媿乞家醅濁醪何敢供賓客萬喚千呼始出來

嶺雲

嶺雲生處停筇看溪水清邊側耳過盡日獨行仍獨
宿真成身是一頭陀

若松旅館

南人來為北土客起見深霜疑雪作朝寒剪剪猶可
堪暮寒勒身如束縛雨邪雪邪俱未諳凍陰壓城晝
漠漠是日不飲何以消山醪雖薄愈衣薄

宿馬島蘭叔芳宅

多君愛客意相強就高齋促婦令傾筐論書及折釵

城陰雲連樹山雨葉鳴階棄置明朝事幽眠放旅懷

同若松諸子遊天寧寺溫泉席上次赤羽遠

夫寧韻

霜後楓林雨後泉浴衣一襲可身天吟筵莫厭杯行
促此別相逢又幾年

題淄川老人詩卷

淄川若松高津
秦平甫別號

巧力爭容容易知文窮至境竟無奇朱廊曲檻秋山
寺閑讀淄川居士詩

寓歎

古人窮經勤白首不自己大道非一途誰能窮所底
悲哉輓近風視道如國是是非歸定衡高閣束經子

才性無所發詞華赴織枝都門十年學成就箇名士
溪流何涓涓白石何齒齒仰見磐梯山倚天萬尋峙

險路

遇險與險爭足勞神愈亂不如徐移步相忘踰阪岸
所經還有趣時時入把翫回思半世踪徒嘆行路難

米澤道中

枯茅原淨刈分區青苧溪寒漚剥膚出盡漆林時一
一望斜陽疊浪淡婆娑

十七日米澤客舍作

旅亭當日午房戶寂無聲爐火沈沈斷風窸窣窣鳴
窮陰爲客地孤坐俟人情還把圖經閱山川更幾程

又

俟人人不至旅館上燈時忽想羣朋會謂嬰恰當今
夕期霞光沈堞壁霜氣入溝池本日會主爲館林藩
門吟裏誰停筆尋推及客思杉江春涯宅在吳服

寓嘆

山深風氣固土瘠民思勤租稅食不足作勞酬君恩
養士多於土勢焉得不然李悝能盡地弦高數出關
脫刀逐什二帶甲卽五千此意雖善也積久弊成端
吾恐功利習漸開詐僞源狡獪若成俗挽回將應難
嘆息生濟道利害常相纏

山縣訪細矢皆可無疑

一鼎茶香一幅峯清泉繞砌響淙淙呼兒掃榻令延
客相對先知道氣濃

皆可導覽近郊諸勝

阿姑射松千年山事古誰能窮源委層壁崔嵬最上
城雄鎮曾膺按察寄干戈十世爭疆場咄嗟此非用
武地却憐直江頻出師奇謀別窺鷓蚌利百萬一賭
聊試伎成敗徒貽英雄累曠懷孰若高吟客無邊雲
山博閑醉

寓嘆

宋祖御下寬賊私獨窮治三要清爲上四維原一維
吾聞山城政計口劣救飢豈圖彫匱餘古道復見之

朝訟夕已辨衙門坐無爲姦猾皆收手頌聲滿路岐
回想故相業經綸有餘思

離山縣北郭山趾遠屏四望豁然喜賦

客程十餘日日日穿深峽纔從井底出又望甕口入
崖樹常帶雨澗雲無時濕何圖恢谿望忽茲淘憂悒
長流帶平郊衆山緩環匝浮煙暄熏人晴光麗城堞
巋然白鷹峯天邊露半頰果知羣山宗溫秀溢眉睫
蕪擁萬雲髮羅立相拱揖紫帔與翠冠一一不遑接
右瞻朝日岳清爽氣可吸蒼莽三百里奔馬聳翠巖
月山鎮陰位天階十二級長風吹廣寒仙桂耀玉葉
眇眇如有人鳥海杳難涉叫呼雲中君目盡奈不及

立石寺

立石奇狀難窮追略舉一二千百遺巧想吳匠脩月
餘材積屢屢奈楠柱櫨種種具蘿綿苔紋年年施怪
怯夜叉守關楯戟立窺視蒼面鐵管髮猙獍陰氣爲
團黑風吹大驚巨靈千尺穿曾開胎容群兒幻迷天
狗一足躡雲舞風翅參差巨蟒吞山挑獨頭老墓魄
月張空頤或是老禪獨鉗始開山魍魅罔兩苦鞭笞
遁形盡入石閑藏時時變眩弄嬉戲吾聞洪濛初磐
古始死四體披目爲日月口江海山嶽累累是其枯
骹後來有蚩尤狂憤偶觸之山骨忽碎天柱傾女媧
蒼皇無暇支急采石五色淘鍊補天墜其餘頑碌鬼

鎖盡取投之東海陸萬弩潮頭相激射砒研空洞發
奇姿日今羽山千萬重當時蒼海渺無涯不然是山
石爭帶潮痕爲造物妙用元不測世閒螻蛄徒小知
防風專車近事耳吳兒錯愕費阻疑何況蒼海生塵
彈指頃麻姑大息蔡生噓吾知十二萬年後渾沌會
有再成時群鑿消盡萬竅合磐古體完醇變滴此理
當然數豈無君如不信看吾詩

寓歎

拍

蠻婦壓頭髻拍手啞啞謳使君何公事時時上市樓
朝醒扶乘馬顧婦屢回頭使君去且去下官醉猶留
留連自不妨珠翠從汝求借問明時仕孰似邑官優

楸岡宿三澤文庵宅

文庵業醫頗善俳歌

遊山腳倦叩茅衡樽酒相看殊有情
花月豈關心性事怪來風度似黃生

最上川

萬山包北陸蒼莽一江來猶見洪荒象
玄陰鬱未開

寓嘆

百里橋道修馬夫說新君前世行
封日車騎扈從紛我君猶妙齡
下情無不聞徒步經山谷不勞送迎勤
我君既如此我相又拔羣新政期三年
雄斷破紛紜民賦收日課廩稍計口分
治定公私給四窮無一窘先時誹謗者
滿口說歡欣吾行向窮北重嶺穿寒雲

聽來馬夫語頓若對南熏

院內至湯澤雨中

溪風颯颯溪雨咽寒勒肌膚凍將裂
馬夫不解人斷魂報道四山皆已雪

金澤懷古

漲天大雪壓三軍征討誰知戰士勤
狡虜負恩仍負義將軍能武又能文
一時剛怯座長定千載賊讎踪
自分落日荒祠來訪古仰看斷鴈叫寒雲

窪田道中

低檐高稻乳土俗謂稻堆曰乳或老壁襲藁衣
嶺雪漸相迫是晴知當稀

自土崎港至湖上

羽山行盡路三千雲浪遙開鞞鞞天湖海不容人領
略笠檐風壓緊如拳

八龍湖晚望

北風吹起捲湖雲雲裏日脚雲外透只疑八龍將行
雨起立各向前村走須臾雲破日開顏萬斛黃金瀉
波閒紅酣紫眩山一座上著縹渺青螺髮山趾漸分
湖容正望湖亭亭在三倉鼻前望主笑相迎去聲玉鱸
斗酒不俟謀霜葉酡顏相輝映吾行到處皆隨綠水
枕好伴鴈鷺眠倚欄吟盡湖上景殘照全收山蒼然

蝦夷廨舍圖

廨舍寂無語華夷夢皆闌海風吹片月偏照桂花寒

十月七日渟城初雪

北風漠漠捲沙回一夜海天為雪來膽落秦軍偏駭
鶴心孤蔡卒只啣枚評鹽說絮渾閑事轉棹騎驢枉
逸才戶際少窺老龍闕闕輪相擊半空摧

雪後

雲疑群鬼乘陰窺樹怪狂飈捲海移寒霰忽來如霧
起有時更向月中吹

寓嘆

清晨向市去晴雪滿廬前行見貿易者論直殊不倫
市人知我惟為我出楮錢夫君應未識七百當十千

當時直亦貞後來漸低遷自從經凶荒不復復往年
勿怪高下絕却有輕重權遠人暗事宜記取聊自便
過種鯉莊

老叟愛魚如愛兒倚欄拍手聚遊鬚風雲變化從渠
事濠上相忘亦一時莊子魚相忘於江湖

謁賀藤翁碑碑在淳城南松林中翁官度支職數十年闡國山林無不遂茂此地立材約七十萬株亦翁文化中所植邑民采其枯葉以充薪蕞者千餘家翁澤之廣此足以見其一班矣碑即邑人慕翁德而所建也翁諱景林實為老友月蓬乃考

涵地松釵風鬚梳拾墜猶足禦冬儲碑表遺愛知天
意長使鄉人供掃除

淳城雜詩

鱗鱗傳信遠雷聲微霰初過雪未成看得沙頭千萬
斛海鄉別占一升平鱗鱗方言波多狀如石首輕雷土人以爲魚來之候此魚他邦所無故九珍之醃藏以爲歲首之羞云
鱗鱗磔腹彭亨腹有鱗者尤美炙出桃紅先眼明驚却南人不唯此雪魚湯接白魚羹白魚亦爲初冬之候極戶所產狀差小味亦頗減耳

冬至

前雪未消後雪堆淳城雪已幾回來微陽只是幽人
夢冰凍千重難到梅

草書屏風

雨驟風飄製電雷素屏八曲一揮開語君休向賓筵
展恐有龍蛇走入杯

題得月樓

樓在淳城木山官舍官舍創自月
蓬先考度支君而樓以爲慰實之
所月蓬繼先職今復巡按視事於此余之來
訪月蓬爲移筆視於樓上日間多居止於此
及去留
此詩

長江遶松松遶樓松月映波吐清秋風流兩世賀知
章坐占鑑湖爲別莊吾來方遇天釀雪凍練光沈寒
烟咽萬松舞空狂濤酣飛霞撲軒油幕折有時飢禽
喚朝曦推戶一望驚清絕清絕更想三伏天醉中散
髮樓頭眠

旅夜行貽內田翁

余在淳城五旬
夜輒宿翁家

天涯爲客夜何物最難堪凍衾不附體愁夢交曉酣
燈盞膏早盡爐灰火已含將呼家人憂無便欲出房
戶奈未諳無端霜鏡數過五只得寒鷄聽到三田翁
自稱鄉閭老平生唯知在家好因何解得寄旅情應
接寓公極傾倒密室障重雪無聲新綿被軟暖且輕
慮渴預供一瓶茶避風更環六尺屏宿火溫溫氣徹
床紅燈燦燦光通明無衣可襲令婦製有書可看使
兒擎今夕穩眠又明夕客情何異在家情漂遊萬里
偶相寄容我豈是爲名利感翁厚意恐難酬撫劍咨
嗟落雙淚

別月蓬

名景琴
字子徽


已酉秋月蓬畢役東都有留別三首末章
結以少陵九重泉路盡交期之句今用以
爲韻

九重泉路盡交期
老天亦知君情厚
一合一離皆有
數爲從冥冥運
九九都門名士鳳
與龍文章德器物
望重雲路翩翩各
振翼風塵何地著
龍鍾筆下徒傾
萬斛泉囊底倒懸
一文錢與君舊有
十年約往年歲
役集有不出十年訪
子於紫波河上之語
命我訪君天幹旋
世路雖罔憚
山路抽腳易於脫
敝袴南峽夜月伴
猿吟北嶺曉雲
追鳥度萬里山川
霜雪緊解繫因君
一笑羈玉醅細
傾綠淨蟻燭盡天
明語不盡世閒陳
雷漆與膠利害

纔加卽割交見君
意氣風霜凜古劒
光冷射秋蛟珍
重須保歲姿海內
永繫知舊思離合
畢竟少時耳
九重泉路盡交期

雪鴻紀踪上

雪鴻紀跡下
五
月
書
院
集
序



雪鴻紀跡下

東都 田口文之 文藏

大館與諸子會集得雪字

兩都風月漸滅裂天以文章寄窮絕
鹿山紅葉龍湖月奇景落手筆
卽挾滄城歌吹連月飲舉目乾坤驚
皎潔山中故人忽招我高屐乘興
破瓊屑詩社牽連朝又暮安問歸
期迫春節黃鷄味美綠酒香吟盡
一百二峯雪

除日偶成

雪防蜿蜿擁孤城
趁早門前逕已成
納租人歸又求
債兩般策策一般聲

雪鴻紀跡下
一
節
反
書
之
龍
川

又

却喜天涯為歲除，雪窻虛閑坐繙書。早遭窮鬼窺吾隙，現眼孟光百拮据。

是夕狩野君達

良知

治具見訪賦此

北陸山川盡地窮，天亦旋愁陰逼。今夕積雪入新年，身世悲歌裏襟懷爛醉前。客星跡何遼，看近斗南邊。

癸丑元旦

終年看地白，今日覺天青。凍影初翻雀，朝曦乍滿檉。詩吟歸興盡，茶喚醉魂醒。報道通關路，佳聲先喜聽。

和二階堂子明

道豐

次韻

予自客臘寓子明宅

迎春誰復在吾先，日出扶桑東盡邊。長劍高冠紫霞

佩為君起唱遠遊篇

生日

拜掃無由例上阡，天涯生日淚潸然。荒原吹起離離草，雨慘風淒又一年。

雪中雜咏六首

北地山川舊亦經，今來舌橋若何評。一塵不揚車馬路，半歲人住瓊瑤城。

看得凌床製造新，雙轆支底不須輪。村童容易挽將

去，載米歸來還載人。

凌床方言楚里

凌床過後途初滑，日出村童聚阪頭。雙脚挺然身不動，十尋一擲去如流。

積羽重于金壓檐漸不挂幾時殘滴聲接地還爲柱
檐閒冰滴結欄干猶道朝來頗減寒日出霏霏吹不
歇峯巒乍作霧中看

松杉風始休山腹篩銀屑匹似羅紈人隔衣見冰雪
莊子藐姑射之神肌膚如冰雪

將南歸留酬窪田平元恒卿德見贈之作

羽陰訪友暫遲回千里山川悠邈哉自是棟梁生楚
澤可能馬骨上燕臺凍瀾沈海玄雲合絕塞連天積
雪開縞苧豫期他日契延陵早晚觀風來

大館重別賀老

留滯尚君鄉不九風雪阻東關再合襟此別真千古

留別諸子

大館別名桂城別名一月勒歸鞍爭秀干峯白玉瀾從是并州
皆舊識夢魂雖遠尚能還

發大館途中所見

萬派斂縫指掌觀溶銀界畫一巒巒蒼然別有青舍
白着色將軍或未看

子明送予宿大瀧溪樓

老鴉浴水日棲雲夜雨對床先喜聞響枕溪聲大於
例溪聲雨聲恐難分

晴發大瀧

一浴溫泉風詠行照天爛雪不堪清春衣想得香風

裏颯颯殘梅人出城

十二所石井君錫

景福

邀宿其家賦贈

九街風雪夜叩關乞酒劣暖黃袍寒南征北伐時方
至卧榻耐得人鼾眠胃中有機須相見犯雪送迎自
等閑何似石家兄弟移吾跡簞笠掃凍手如戟家中
翁媪皆奔走烹鷄盪酒連三夕門外玉山千萬尋與
君意氣相凌迫平生湖海怪陳登悠悠都是驥尾蠅
孰向文場先著策莫能聽鷄中夜興丈夫要須橫四
海江南半壁未足憑

別所村為奧羽境地勢回互難辨山頭舊鋤
草為界中間斷如溝秋田南部二國歲治之

連延十餘里云

地界東西如亂紋山川相繆鬱紛紜那知山上靡靡
草一帶春風吹得分

子明君錫送至田郡地屬奧州銅鑛所在宿澤出氏賦
示二子

留我不留送越山山陂路絕欲過難要君却作三朝
飲風雪如斯不可還

花輪與子明別阻雪自正月二十九日至二
月十日簡子明

歲盡遊興闌吾情衝雪發多方君勸阻留宿終踰月
歲事百不關文史會羣哲雪脚芒極高高齋墜幽窟

圍爐烹芹鷄酒渴取雪齧子瞻甘九死南遊誇奇絕
子卿忍長飢北塞持苦節我有南遊快而當北塞雪
遭逢豈前期天巧補人拙盛意君不棄三送肯告別
別來情懷惡孤枕寄醉兀又此旬日餘風窻壓窻窻
愁裏漫書空不免恹咄咄

踰嶺

天晴不可期賈勇離所宿主人戒前途久客憤異服
慎追導夫踪一足躡一足原隰平漫漫人烟纔知屋
坦途忽已窮仰頭欲慟哭上有亂雲峯下則絕冥谷
夾崖如馬脊步滑畏顛覆長風生腳下颼颼振林木
雪粉如霧起昏昏奪人目一聲顛凍震餘聲互迫逐

瞬息千萬尋礪柯拔層麓此時視性命危如風前燭
膽落天狗橋欲進足踟躕

二

溪轉村聚出溫泉此有名投宿謝役夫一浴洗悸驚
明朝七盤嶺且要審前程主人向予說客勿與險爭
此嶺元難踰土人尚揀晴前時有藥估云是越中僮
自恃經涉熟冒雪嶺頭行中途遭虐吹一仆墜禍坑
其子來索之募役竭纏羸踪跡幸雖獲凍爛恐不生
目今霽色牢憂慮自可輕野園有淡蔬湯氣已發萌
雖非驪山瓜或可供饌烹一杯就相勸頗慰孤旅情

下七陰雨嶺書喜

嶺路七盤冰雪間苦辛真是賊中還從斯緩轡春風
裏行訪將軍詠花開

新晴馬上南都道中

霏霏沙際草汨汨道閒流野曠農功少春深土脉浮
故園過寒食歸馬尚邊州雪嶺惱人得長時來趁愁

廚川懷古

率土茫茫盡外濱占雄河塞據要津于今斷壘存遺
蹟從古朝紳經裔民徒使赤符勞督發可無白鴿見
威神十年筋力竭征討枉結家人終始親

寓歎

雙刀織且華光彩照路傍頭髮小結束翩翩都人樣

閑遊何處宜新柳頗可訪街西新置娼院

又

刻剝山河瘦塵勞草木瘁荒村八九家寂寂無生意
尚道今年好誅求唯兩次

又

開採擅礦利驚怪紙幣輕紙幣輕如許却重阪商名
異哉陶朱子到處盡仰成

選花牧始見梅花

凍陰未可漏韶華馬上驚看的的葩試折一枝相報
問都人爭信是梅花

平泉懷古

三世威風鎮北門
遐方誰復思朝恩
地兼鳥海雄圖豁
山湧金華佛像尊
高館花猶慰遠客
平泉樹足貽來孫
乃翁苦作身家計
無奈劉琮貢犬豚

辨慶祠

祠在中尊寺有道
士爰當時遺物云

上房下房草接雲
中尊不合獨稱尊
却憐香火供遺笈
千載難磨是主恩

仙臺道中

吟途終日任程前
短劍在腰長劍肩
山色尤佳當水處
人家總在有花邊

觀燕澤碑遂及壺碑

春光遲更遲
風花飛又飛
北來佳勝燭見跋
一片松

鳥近在眉却以一日為兩日
迂程故來訪古碑
譬如

人當大牢饗先以淡茹寬胃脾
胡僧欲語手掩口
離

合字成靴避壯道教

從道舉教
碑中語

眩誘術難施
徒勞使

者來送首節
損冗費養民力
指揮一定如懸溜
驕虜

知己不知人
忿怒徒殲十萬醜
千古快事摧賊膽
神

后出攻時宗守
吁嗟攻守各有時
退當時宗進神后

君不見神后征韓衝
虜巢先聘魏國締
遠交遠交漸

為近取地英雄見
機豈濶寥錦旆一麾
海氛開鞭策

鼉鼉驅螭蛟
韓奴從是日
本狗低尾乞憐
長跪跑餘

威震懾六百年
韎鞞渤海皆貢包
此石即其入貢路

里程歷歷三千遙
三千里外尚統御
何況蝦夷不終

朝吾生孤介寡所入萬里倦遊一敝笠碑前班荆人
咨嗟此石可語又可泣

松島歌

鬆靄踈韻一灣灣澄碧泓中幾假山一面自成一面
趣變化更爲百千般吾來松島已三宿未知廬山真
面目要亦大概如此耳素非筆舌可摸捉瑞巖老禪
據上方本是眞壁平四郎詩中語鐵杖踏破不二
門歸來好此寄繩床被髮入山事則已志士豈遽學
坐忘中原鹿死罷驅逐恨不富岳爲盆凸輕舟吟月
棹清秋秋風楚楚吹髮髮回顧青年眞一夢壯心寂
莫髀生肉此情今古將無同姑以清遊洗心胷興極

哀來思往事歌聲激昂和松風

鹽竈祠

昂

廟宇崢嶸壓海垠萬檣林下屋如鱗自由利涉資倍
市一樣威靈殊覺新

白石道中所見

颯颯人羣醉語囂報知社祭在今朝村粧隨分呈時
樣籬落數枝紅小桃

野州道中昨日重三

節去殘櫻狼籍香纖枝乞得插行囊往追未雪還花
後勝興歸心孰短長

望綰川

波底鯉魚肥未肥岸邊桃杏落將稀春深青藹無由
涑一道綰川吹雪飛

舟下綰川

歸程餘三日歸心更怛怛隔河望喬木鬱鬱宇都城
初途既可厭波折取水程不唯利涉便兼怡經未經
春溜急於尊瞬息失津亭隱見野州山一一有舊情
卽此一派源鬢髮就中明淨綠音不盡終始相送迎
紅葉羽陰路風雪海北行漂遊豈日壯頗亦補平生
半歲非不久萬里真箇輕家人那思得明朝迎遠征
晡後發窪津六里至關宿

旣弭綰江棹又追刀水舟殘陽無幾里生路又暗投

歸心併氣力勇進獨不休篠叢觸伏蛇樹陰驚鷓鴣
長堤行難盡店火望更幽屢問前來者津口船發否

夜下刀稱

水聲乍少雨聲多報道船方入內河失却松陵詩思
好鴻臺曉色夢中過

到家

山嵐水霧去年衣飄然出門飄然歸妻孥不我怪鷄
犬不我疑奔走掃几席須臾陳酒危喜我無恙還交
勸解旅思半歲飢寒未忍問愧汝鷄犬爾熙熙

雪鴻紀踪下

此處有極淡的墨迹，似乎是書寫或印刷的殘留，但內容極其模糊，難以辨認。

浮槎存稿附

東都 田口文之 文藏

余蓄漫遊之志久矣而以一師一弟攝業侍
養身無副貳願不能遂今茲弘化乙巳三月
獲暇數月方始出遊將先探毛越諸州二日
曉發諸友送到板橋留別
一劍飄然輕萬里板橋攀柳聊依倚吾儂豈是題柱
人謾記遊程從此始

大宮重三

佳節蕭條古驛亭微吟幾度繞堦行落花滿地無人
管不是春風獨少情

熊谷堤雨中

田塍行盡又長堤兩袖雨霑雙脚泥無賴遠山無却有愁眉如黛幾回迷

桐生石原氏花園

滿園新綠雜殘紅一帶清流貫其中我出家鄉晚三日負伊幾樹好春風

二十八日與木村竹堂諸子溪行得三首

赤巖

清流煎茗洗心骨先占溪山第一重可惜赤巖奇絕處欠他潭面幾枝松

高津戶

風水響徐松韻清巉巖盡處渡頭平溪山欲作些寬勢却向中流危石生

跳瀧

苔冷水明神更淨溪迴山轉境愈奇香魚初上於針細來掠急湍人未知

題石田九野有章堂

九野名星長于巧思以作華本為業

山脉蒼蒼向北起二水分流遶其趾春風吹我汗漫行七日方始達桐生桐生舊名無由質鳳文龍章看初驚巨家財產皆機杼下戶生命係絲縷水車如雨梭如煙千條萬匹隨手舉樣樣新紋互馳奇憐殺都城綺羅思造物有口應難說花心鳥情先春知是何

風流導師好事伯度此闔鄉振金鐸九野山人眼如
 蟹海拋身世頭是釋山人謀漕利不中一舉盪產時
 靜英雄懶且眠上五字用山少運妙思消餘閑禿筆
 驅成新華本坐享餉供幾萬錢平生愛酒不畏肉興
 來且須百杯沃八千弟子困工夫只得時來抱佛足
 三岐次老先生被懷之韻

附老先生作

客程三日總傍河斗折蛇行今始過從是越山千萬
 疊暮猿啼處別情多
 尋源遠派舊刀河客枕眠雲醒又過知汝平生山水
 志朝迎夕送不勝多

過猿京關

余以遊方不定始不特傳關吏誌
余所業苔以書字吏乃出扇因題

此詩以
代傳

五步吹汗十步仰猿京更在雲峯上關門令尹甚風
 流一紙新詩被肯放

越後小出島客樓前望八海金城駒嶽諸峯
 蒼莽雄拔有感于懷賦小詩

前程旅興雜閑愁心緒荒忽不自由慙殺山靈應笑
 我區區鷺字向邊州

四月二十九日渡海

佐山橫雲浦頽髯手可取浩然遊意興眼中生島嶼
 舟子始解維風水徐吞吐澄碧明如空下窺文藻舞

倚檣暢遐矚勝形堪可數彌彥與米山拱揖久仰俯
妙高高且妙巖然撐天柱美哉海山趣爲我湔陳腐
談笑猶雲浦指顧迷處所稍覺風頭惡輕葉恣掀舉
白濤十萬丈洶湧不可觀昏眩伏舷側德倥失意緒
無爲暫時愉翻爲滔天苦身世唯一擊相見顏如土
舟中忌言凶膽落誰能語指目同舟人浮屠雜行賈
浮屠追法蹤生死有所怙賈利重於身身則輕于櫂
汝生獨何爲漂遊凌天阻歎張一失機長爲鯨鱈虜
作詩聊自警且以告友侶

小木旅館

太鼓三絃越調急棹郎起舞長年歌隣房別有孤吟

客一穗殘燈伴睡魔

拜 順德帝真野山陵

石路羊腸遶翠微古帝陵頭子規啼樹老雲冷天
更碧水濶山空啼且飛賤臣訪古來拜跪揮涕憶起
承久事皇運否泰有由然難將一舉收大權 聖
怒雖盛豈妄發逆氛當時人勝天天傾地覆玉銜折
海轉山移翠華隔真野煙月戀浦雲執思萬乘猶逐
客 聖藻空傳子規聲聲哀怨尚如昨君不見鎌
府零落幾丘墟禾黍芄芄走兔狐恩讎事過皆如夢
百年興替更須更吁嗟子規哭血亦可止汝且歸來
回汝里八幡一名子規不啼里俗傳帝嘗幸此有子規聖製從是斷聲不復啼故以名其地云

端午途上

行到海山盡處村腥風吹雨瘴煙昏檐間菖葉亦佳節照眼無端傷客魂

至相川數日官允未下不得縱出

羈愁悶悶雨霏霏厭聽驚濤打暗磯杜宇爭知遊子意聲聲只喚不如歸

雨中

陰雲若幕壓頭垂白浪如山衝屋來屈指正當旬日雨客愁真叵過黃梅

日蓮宗徒巡禮諸州支派者謂為詣干寺佐州日蓮謫地遺蹟具存故負笈來參者陸續

不止余寓昨逆十有五人緇素牝雛混然雜

處梵誦之聲嗷嗷如湧殆不能寐

如是我聞佛說法四筵森寂飛天華何圖當日枯華拈

趣轉作囂然幾部蛙

題畫

老去身生儘自由閑繡蠹卷手親離年來省得幽居味甚愈人閒萬戶侯

雙老亭詩

季夏遊澤根清水氏庭有海松各一並皆合抱苔蘚封駁枝幹離奇實足二百年外物傳道祖先時從京師盆裁所致梅素純紅往歲旁枝忽放自花松半腹有窠臼槐樹生于其中高十數尺今方著花此皆可異主人因乞名亭乃為書雙老亭字係以小詩

松是太公梅是母園中草木悉孫兒人間二百餘年
遠遺愛猶看始種時

六月十三夕高田梅顛樓上觀月同甲賀子
直石井文海丸岡君章諸子同賦

人倚瓊樓玉宇中葛衣飄灑帶仙風客懷惟有清如
水無限詩思滿碧空

十四夕梅逸宅招飲用前韻二首

灑罷池亭待晚風已看新月入杯中勝筵仍帶文騷
友共喜清歡重不空

夜色初開月有風羈羈縹渺望煙空悠悠身跡誰量
得來在鷺濤萬疊中

梅樓所見

雨意方酣雲態閑潑如濃墨缺如環晚來忽被溪風
襲却集山頭更作山

題梅樓

乞字人歸一枕涼睡餘欹枕聽茶香雲陰過颶山全
黑日脚斜時海半黃量戶豫先求攝釀烹魚且使請
都方偶然投宿經旬日顛老忘年我忘鄉

寓題

茅鞋踏破海南州乘興更為海北遊從是蓬瀛去非
遠放他諸葛取封侯

又

彫琢蟲魚攻陳編此生不值半文錢世閒自有高人
笑枉取諸君費斡旋

晦日集願龍寺

不忘三伏熱兼喜雅筵開樹覆半池雨人吟深院苔
斯情難重得我醉肯言迴他日同朋酒相思能復來

相川曉望

海風吹拂曉煙開磧礫如星鎮屋堆七十二街行漸
上恰過諸葛陣圖來

避暑於瑞泉寺藤木野上諸君見訪同用白

氏集中韻

來消煩熱寄金仙不覺清談席自前邂逅爭非善方

便文章知有夙因緣風吹樹杪涼斜日寺對海門平
晚煙未了吾生最大事與君相期去聲重逢年

外洋

鬼城巖上鬼夜哭龍神祠邊船不還玄陰漠漠天無
象一燈明滅亂濤問燈在春日崎官置以
為洋中船舶之表候

七月三日泛湖

或曰北湖又稱
瓢湖以形似也

舟自蘆蒲深處迴浦容岸勢相追開海天已暝湖天
霽大佐纔移小佐來佐州舊有大小之目蓋四方皆
山者是玄女廟邊風乍起白金峯上日方頽兩津燈
影長橋近但聽驚濤激晚雷湖在加茂郡周迴三
北岸民戶千餘櫛比一
帶表裏湖海東曰溱町北曰夷町合呼為兩津州東
北裏海一大馬頭也綴以長橋是謂兩津橋橋下即

湖海合處平時淘沙堆起自成界限不相踰越至冬風濤稍高則打混爲一蓋州地勢中央稍平闢爲農畝此屬其下垂諸水會注而海面却高故有注無瀉其深不量底雖有鯉鱸鰻鼈之屬多不能獲云湖土人謂之瀉越方言也

湖上贈相川諸送人先歸

相追湖上仍留宿別意綿綿不忍辭明日征帆千里客暫時翻作送君思

鄉書從出雲崎達越後三条老先生聞余遊

佐渡弗悅有作磐瀨揚庵寄示次韻却寄

鴈書遙下出雲崎海樹蕭蕭葉欲飛休道黃金汚季子竭來仍舊敝貂衣

附老先生作

風帆曉發出雲崎百里波濤半日飛此俗豈由文教化金銀氣浼一儒衣

遊大崎伊藤君爲余設漁具於溪上獲鮎魚數百尾林廉夫有作仍韻和之

沈網截清溪斜陽透波明羽網析鷺鷥羽插之大綱且挽且進躋魚入網謂之鶴網驅其下游鱗倏相驚漁人揚火見潑刺恰有聲炙鮮割香腴勸吾把巨觥風露人語冷仰見星河橫沉醉沙頭卧秋懷不耐清

余在三條林廉夫延館於其隣淡堂一月將發賦呈主人翁兼似廉夫翁精宅相善道理數

觀子俱爲莫逆人容吾且作不招賓行藏雖異心元

一卜築相依德有隣閑聽清談屢忘夜細推妙理總歸真無由收跡從棲隱風攪秋思入眼新

宿信州古屋是夕中秋

亂山堆裏一輪月古驛亭前數戶鄉醉袖不堪久佇立滿頃蕎麥冷如霜

小諸至追分途中

諸山漸退曠原平灝氣耳邊疑有聲忽然風捲雲烟散身在朝閣脚下行

浮槎存稿

訂誤

上卷

寓歎

織枝技誤枝

寓歎

柏手拍誤柏

草書

屏風

製電掣誤製

旅夜行

霜鍾鐘誤鍾

別

月篷

振冀翼誤冀

下卷

花輪

己極己誤己

遇花牧過誤遇

松鳥歌

激昂昂誤昂

夜下刀稱禰誤稱

到家

酒危危

誤危

附

拜陵

帝上闕格誤在陵上

日蓮宗徒

枯華拈

誤枯 雙老注 盆栽栽誤栽 外洋注 表候倒

許慎
聯勝書院藏



48-13511

丹藤悒四郎藤原以真
心藏

010190526114

